

Utoqqaat pillugit Siunnersuisooqatigiinni ataatsimiinneranni imaqarniliaq

ulloq: pingasunngorneq ulloq 26. februar 2020 nal. 10.00 - 12.00
Sumi: Imaneq 34, 2. sal – Atorfilittarfianni

Peqataasut:

Laannguaq Lynge, siulittaasoq (LL)
Søren Joelsen, siulittaasup tullia (SJ)
Loritha Henriksen, ilaasortaq (LH)
Bodil Karlshøj Poulsen, ilaasortaq(BKP) -
Arnannguaq H. Christensen, Utoqqarnut susassaqarfimmi fagchefi (AHC)
Lars Jørgen Kleist, Utoqqaat pillugit Siunnersuisooqatigiinni allatsi, imaqarniliortoq (LJK)

Peqataasinnaanngitsut:

- Jonas Napaattooq, Ittoqqortoormiuniit napparsimanini pissutigalugu peqataanngilaq.
- Bodil Karlshøj Poulsen, aqqarnup kinguninngua takkupoq.

Oqaaluuserisassat:

- Siulittaasoq Laannguaq Lynge-mit tikilluaqqusineq oqaaluuserisassanillu akuersineq**
 - LL - tikilluaqqusivoq, ilaatigut oqaatigaa Sumiiffinni ataatsimiitsitaliamit Qeqertarsuiatsiaanut innuttaasunik ataatsimiisitsinissamut tunngatillugu aningaasanik qinnuteqarneq itigartitsissutigineqarsimasoq. Itigartitsinermut peqqutaatinneqarsimavoq Nuup avataanut angalanertut nalilerneqarsimammatt.
 - Itigartitsinermut tunngatillugu – Kommuneqarfik Sermersuumi Sumiiffinni ataatsimiitsitaliap allattaaniit nalunarutigineqarpoq itigartitsineq pillugu Sumiiffinni ataatsimiitsitaliap siulittaasua Utoqqaat pillugit Siunnersuisooqatigiiviniit naapinneqarsinnaasoq.
 - Itigartitsineq pillugu Isumaginninnermut Suliffisaqartitsinermallu ataatsimiitsitami siulittaasoq Inge Olsvig Brandt neriorsuuteqarpoq paasiniaassalluni.
- Kingullermik ataatsimiinnermit imaqarniliamik akuersissuteqarneq – ulloq 27. novembar 2019**

Aalajangerneq:

- 27. novemberimi ataatsimiissimaneq pillugu imaqarniliaq 26. februarimi ataatsimiissimancerup imaqarniliorneranut ilanngullugu akuerissutigineqassaaq.



3. Ilisimatitseqatigiinneq

Utoqqarnut susassaqarfimmi fagchefi – Arnannguaq H. Christensen

Killiffik:

- Pilutamut pulaartoqassaaq ulloq marlunngorneq marsip qulingani nalunaaqutaq ataatsimiit – marlunut. Pilutamut pulaarnerup malitsigissavaa kingullermik pulaarnermi Pilutami killiffissiuineq, aammalu pulaarnermi atuisut tikillugit oqaloqatigalugit, tusarnaarlugit ingerlanneqassaaq.

Nunatsinni utoqqanngortut puiguttorermik nappaateqartut ilaquaat qanigisaasullu atugaat pillugit missisuisimaneq ingerlanneqarsimavoq, taannalu aamma allakkianngorlugu pisimalerparput. Taanna kalaallisunngortilaarialugu Utoqqaat Pillugit Siunnersuisoqatigiinnut agguanneqassaaq.

- Puigortunngorneq pillugu quppersagaq – Ingerlatsivimmi atorfilittaniit ALZHEIMERS-peqatigiiffik suleqatigalugu suliarineqarsimavoq.(Utoqqaat Pillugit Siunnersuisoqatigiinnut kalaallisua allaqqasoq tunniunneqarpoq.)

- Utoqqaat Pillugit Siunnersuisoqatigiit apriilip 22-ianit ataatsimiinnissaanni Puiortunngornermi ataqtatigiissaarisut ataatsimiinnermi peqataassapput immikkoortumi oqaluuserisassami Puiguttortunut iliusissaq pillugu ilaatigut saqqummiillutik.

- Ingerlatsivimmiit utoqqarnut suliniutit angusat ilagaat, Utoqqaat Illuni aammalu angerlarsimaffinni sulisut sulinngitsoortarneri appiarujussuarsimamanerat suliniutini siunnerfik ersarissarneqarsimammat – ilaatigut pikkorissaanerit isumasioqatigiinnerillu ingerlanneqarsimallutik.

Utoqqaat Pillugit Siunnersuisoqatigiinnit siulittaasoq – Laannguaq Lynge

LL – ilisimatitsissutigaa tusarniaassut:

“Kommuneqarfik Sermersuumit Utoqqarnut Pillugit Siunnersuisoqatigiinnit : Pisortani Digitalimik Allakkerinermit ilanngunnermit inunnik pisussajunnaarsitsineq pillugu Namminersorlutik Oqartussat nalunaarutaat nr. xx, xx. xxx 2019-imeersoq tusarniaassummut akissut “
(Ilanngussaq ilaavoq)

Uani ataatsimiinnermi saqqummiunneqartoq. Tusarniaassut mail-ikkut ilaasortanut nassiunneqarpoq, tusarniaanerli sivikimmat Utoqqaat Pillugit Siunnersuisoqatigiivini siulittaasoq atsiorluni akissuteqarpoq. Akissuteqarnermi Utoqqaat Pillugit Siunnersuisoqatigiinni ilaasortaq Loritha Henriksen nalunaaruteqarsimavoq Siulittaasup akissutissaanut isumaqataallumi.

LL - Tusarsimallugu oqaatigaa Namminersorlutik Oqartussat nalunaarut apriilip aallaqqaataani atuutilissasoq.

Qeqertarsuatsiaanut angalanissamut Sumiiffinni ataatsimittitaliamiit itigartitsineq

LL – oqaatigaa Sumiiffinni ataatsimittitaliamiit Qeqertarsuatsiaanut angalanissamut qinnuteqarnermi itigartitsineq pillugu Ataatsimiitsitaliap siulittaasuata Inge O. Brandt mississorniarlugu neriorsuutigaa.

- Qeqertarsuatsuaanut angalasimaneq iluatsippoq. Innuttaasunut ataatsimiinnermi peqataasut amerlavallaannginneri pakatsinalaalarluarpoq taamaattoq oqaloqatigiinnerit ilisimatitsissutillu saqqummiinerillu ingerlanneqarput iluarisimaarneqarlutillu.

4. Ataatsimiinnermit kingullermik malitseqartitsineq:

A) Utoqqaat pillugit Siunnersuisoqatigiit Nuummi Utoqqaat Peqatigiiffianik ulloq 11. septembari 2019-imi ataatsimeeqateqarnerat



Utoqqaat pillugit Siunnersuisooqatigiit Nuummi Utoqqaat Peqatigiiffiat peqatigalugit ulloq 11. septembari 2019-imi ilisimatitsissutitalimmik ataatsimeeqatigiippuit. (Ataatsimiinnerup imaqarniliorneqarnera ilanngunneqarpoq).

- Maluginiarneqarpoq kingullermik utoqqaat peqatigiit ataatsimeeqatiginerani periarfissaqarsimanngitsoq siulersuinnaat ataatsimeeqateqarnissaq, taamaattumik kissaatigineqarpoq Utoqqaat peqatigiit siulersuisui piffissami aggersumi ataatsimeeqatigineqarnissaat.

Utoqqaat Pillugit Siunnersuisooqatigiit aammalu Nuummi Utoqqaat peqatigiiffianit 25. februar 2020 ataatsimeeqatigiinneq

- Utoqqaat Pillugit Siunnersuisooqatigiit Utoqqaat peqatigiiffianit qaaqqusaapput ataatsimeqqatigiinnissamut. Maannakkut pilersaarut malillugu marlunngornej 25. Februar 2020 nal.: 13.00 Blok 10-ip naqqani ornittakkami ataatsimeeqatigiuttoqassaaq.

Killiffik:

Ulloq februarip 25-iani Utoqqaat Pillugit Siunnersuisooqatigiit Utoqqaat Peqatigiiffiat ilaasortaallu ataatsimeeqatigaat. Oqaluuserisassat Utoqqaat Peqatigiit kissaatigisaat oqaluuserineqarput tassaasut:

- 1. Ornittagaq qaugu ?
- 2. Utoqqaat aliikkutassaannik. Soorlu assassugassat.
- 3. Utoqqarnut politikki Kommuuneqarfik Sermersumi ersarissoq tusarusupparput.

Ataatsimiinnermi LL imaqarniliorpoq – tullianilu Utoqqaat Pillugit Siunnersuisooqatigiit ataatsimiinnissaanni ilisimatitsissutitut saqqummiunneqassaaq.

B) Utoqqaat pillugit Siunnersuisooqatigiit Suliffeqanermut Isumaginninnermullu Ataatsimiititamik ulloq 17. septembari 2019-imi ataatsimeeqateqarnerat

Blok 10 Ornittagaq:

Blok 10-mi Ornittagaq matoqqavoq taamaattumik Nuummi Utoqqaat Peqatigiinni ilaasortaasut PILUTAMIK atuisarnissaat pillugu isumaqatigiissuteqarfingineqarusruppoq.

Nuummi Utoqqaat Peqatigiit aamma Utoqqaat pillugit Siunnersuisooqatigiit ataatsimoorussillutik Meeqnanut Atuarfeqarnermullu Ataatsimiititami siulittaasumut Michael Rosingimut aamma Suliffeqanermut Isumaginninnermullu Ataatsimiititami siulittaasumut Inge Olsvig Brandtimut Borgmesteri Charlotte Ludvigsen kopiilerlugu allakkamik nassiussaqarput.

2019-imi oktoberip ulluisa 28-anni Suliffeqanermut Isumaginninnermullu Ingerlatsiviup akissutaa ilanngussatut ilanngunneqarpoq.

Killiffik:

- Kommuneqarfik Sermersumi Qullersaqaqatigiit Blok 10-mi ornittagaqarneq oqaluuserissallugu kinguartikkallarnikuuaat. Kissaatigineqarpoq blok 10 qimanneqarnissaa inigisap pitsaannginnera pillugu. Tamanna Qullersaqatigiit 2020-mi januaarimi oqaluuserivaat.
- Isumaginninnermullu Suliffeqanermullu Ingerlatsivimmi pisortaq nalunaaruteqarpoq Kommuneqarfik Sermersumi illuutit pigineqartut b-normui tamarmik misissoqqissaarneqassasut. Tamannalu misissuineq naammassippat nalunaaruteqartoqassasoq. Ukiup tullianut missingersuutit suliarineqalerpata Utoqqaat



Pillugit Siunnersuisooqatigiit nutaamik ornittagaqalernissumut kissaataat politikkikkut isumaqatiginninniarnernut ilannguneqassaaq.

Utoqqaat Pillugit Siunnersuisooqatigiit oqaaseqaataat:

- Utoqqaat ornittagassaanik sanaartornissaq pillugu Utoqqaat Pillugit Siunnersuisooqatigiit lsumaginninnermut Suliffissaqartitsinermullu ingerlatsivimmut kissaatigaat paaserusullugu suut sanaartornissamut pilersaarutaanersut, aammalu utoqqaat ornittagassaat qaqagu sananeqassanersoq?

Aaliangerneq

- Ulloq februuarip 25-iani Utoqqaat Pillugit Siunnersuisooqatigiit Utoqqaat Peqatigiit ataatsimeeqatigiinnneranni Utoqqaat Peqatigiinnit Nuummi nutaamik Ornittagaqalernissaq pillugu tapersiut allakkiaq tunniunneqarpoq Utoqqaat Pillugit Siunnersuisooqatigiinnut.

- Utoqqaat Pillugit Siunnersuisooqatigiit maannakkut kissaatigaat pimoorullugu utoqqaat ornittagassaaata pilersinneqarnissaa aammalu suliap sumut killinnea paaserusunneqarpoq.

Allakkiaq Utoqqaat Pillugit Siunnersuisooqatigiit sinnerlugu siulitaasumit atsiorneqartussaq lsumaginninnermut Suliffissaqartitsimullu ingerlatsivimmut ingerlanneqartussaq suliarineqassaaq.

C) Utoqqaat/peqatigiiffiit nunanut allanut angalanissaminnut tapiiffigineqarsinnaanersut Utoqqaat pillugit Siunnersuisooqatigiinnit misissueqqusinera.

Utoqqaat/peqatigiiffiit nunanut allanut angalanissaannut tapiiffigineqarsinnaanersut misissuiffigineqassasoq Utoqqaat pillugit Siunnersuisooqatigiinnit kissaatigineqarpoq. Sulianut/angalanernut tamakkununngaa kommunip tapersiisinnaaneranut periarfissat Suliffeqarnermut lsumaginninnermut ingerlatsivimmit misissorneqassapput.

Killiffik:

Kommunemut angalanissanut qinnuteqartoqarsinnaavoq. Ataasiakkaat aammalu ataatsimoorluni angalanissamut qinnuteqartoqarsinnaavoq.

Ilanngunneqarput: Kommuneqarfik Sermersumi sunngiffimmi sammisaqartitsinernut, timigissarnermut, timersornermut peqatigiiffinnullu Tapiissutit pillugit malittarisassat.

Aalajangerneq:

Tusaatissatut tiguneqarpoq.

Utoqqaat Pillugit Siunnersuisooqatigiit kissaatigaat Kommuneqarfik Sermersumi sunngiffimmi sammisaqartitsinernut, timigissarnermut, timersornermut peqatigiiffinnullu Tapiissutit pillugit malittarisassat iluanni sumut saaffiginnitoqarsinnaanersoq – ersarissarneqassasoq.

Allakkiaq Utoqqaat Pillugit Siunnersuisooqatigiit sinnerlugu siulitaasumit atsiorneqartussaq lsumaginninnermut Suliffissaqartitsimullu ingerlatsivimmut ingerlanneqartussaq suliarineqassaaq.

D) Utoqqaat pillugit Siunnersuisooqatigiit Kommuneqarfik Sermersooq tamaat siunnersuisooqatigiippuit. Taamaattumik 2017-imiit 2021-mut qinigaaffiup sinneranut Utoqqaat pillugit Siunnersuisooqatigiit illoqarfinni tamani utoqqaat



**ataatsimeeqatiginissaat anguneqassasoq pillugu periarfissat Suliffeqarnermut
Isumaginninnermullu Ataatsimiititap eqqartussagai innersuussutigineqarpoq.**

Aaliangerneq:

- Utoqqaat Pillugit Siunnersuisooqatigiit Paamiunut aammalu Tasiilami innuttaasunik ataatsimiitsiniartornissaannut Paamiuni aammalu Tasiilami Utoqqaat Peqatigiiffiat – tikeraartoqarusunnermik kissaateqarnersut allakkatigut tusarniassavaat.

Allakkiaq Utoqqaat Pillugit Siunnersuisooqatigiit sinnerlugu siulitaasumit atsiorneqartussaq suliarineqassaaq nassiunneqarlunilu Paamiuni aammalu Tasiilami utoqqaat peqatigiiffiinut.

5. Utoqqarnut tunngasunik kisitsisinngorlugu takussutissaq (Oqaluuserisassanut ilaajuaannartoq):

Puigortunngortut amerlassusaat januar 2020

Ilanngussaq:

Demens_overblik_januar 2020_KAL(ataatsimiinnermi tunniuneqassaaq)
Demenstal januar 2020_KAL

Aaliangerneq:

Utoqqaat Pillugit Siunnersuisooqatigiit kissaatigaat apeqquteqaatigalugulu Utoqqarnut facchefimut Utoqqarnut tunngasunik kisitsisinngorlugu takussutissiap Puigortunngortut amerlassusaat januar 2020-imut tunngasup oqaaseqaatigisaasa paatsuungassutigineqartut ukuusut pillugut:

- Puigortunngorsimagunartut angerlarsimaffimmi najugallit
- Angerlarsimaffimminni najugallit

Utoqqarnut Sullissinermi Pisortaq Arnannguaq H. Christensen nassuaavoq:

- "Puigortunngorsimagunartut angerlarsimaffimmi najugallit" tassaasut suli nappaataat suussusersineqarsimannngitsut.

- "Angerlarsimaffimminni najugallit" tassaasut nappaataat suussusersineqarsimasut.

Puiortunngortut amerliartornerat ilutigalugu Utoqqaat Pillugit Siunnersuisooqatigiit paaseruppaat kisitsisillu kissaatigivaat, januar 2020 takussutissiami puigortunngortut amerliartornerannik ersersitsisut aallaavigalugit, siunissamut ungasinnerusumullu isigaluni, puigortunngortunut angerlarsimaffinnik nutaanik Kommunemi pingaarnersiunermi ukkanneqassasoq.

Utoqqaat Pillugit Siunnersuisooqatigiit kissaatigaatkaar Kommune-mut allakkiortoqassasoq. Allakkiaq Utoqqaat Pillugit Siunnersuisooqatigiit sinnerlugu siulitaasumit atsiorneqartussaq suliarineqassaaq nassiunneqarlunilu.

6. Utoqqaat Danmarkimut nussornerat

Ilanngussaq:

Naatsorsueqqissaartarfimmit kisitsisit – kalaallisut/qallunaatullu(Ataatsimiinnerup aallartinnerani tunniunneqassaaq)

Tusaatissatut tiguneqarpoq.



**7. Nunatsinni utoqqaat inuunerat peqqissusaallu Issittumi Utoqqalineq qulequtsiullugu ilisimatusarnermi inerisaanermilu suliniummit nalunaarusiaq pillugu
Siunnersuisooqatigiinni oqaluuserineqarnera.**

Utoqqaat pillugit Siunnersuisooqatigiit siulittaasuata ilisamatuuussutsikkut mississuisimancerit annertunerusumik itisiliilluni ingerlaqqinnissaat kissaatigaa

Uani pineqarput:

- Qanoq ililluta allaatigineqarsimasut annertunerusumik ingerlateqqissavagut?
- Utoqqaat pillugit Siunnersuisooqatigiit kikkut saaffigissavaat?"

Utoqqaat Pillugit Siunnersuisooqatigiit kissaatigaat Isumaginninnermi Suliffissaqartitsinermilu ataatsimiitsitaliamit Innuttaasunik ataatsimiitsisoarnissaa, Nunatsinni utoqqaat inuunerat peqqissusaallu Issittumi Utoqqalineq qulequtsiullugu ilisimatusarnermi inerisaanermilu suliniummit nalunaarusiaq pillugu aammalu qanoq innuttaasunut ingerlateqqinneqarsinnaannersoq.

Utoqqaat Pillugu Siunnersuisooqatigiit kissaatigaat imatut ataatsimiitsitanut allakkanik nassitsisoqassasoq:

Uunga

Kommuneqarfik Sermersooq

Suliffeqarnermut Isumaginninnermullu Ataatsimiititaq

Arktisk Aldringip ilisimatusaatitut ineriartortitassatullu suliniutaannit nalunaarusiaat Kalaallit Nunaanni utoqqaat inuunerat peqqissusaallu Utoqqaat Pillugit Siunnersuisooqatigiivisa soqutiginnillutik atuarpaat.

Nalunaarusiaq una nutaajuvoq, Utoqqaallu Pillugit Siunnersuisooqatigiivisa imarisaa minnerunngitsumillu eqqumaffigisassat siammasissumik oqallisigineqarnissaat pingaartippaat.Taamaattumik Innuttaasunik ataatsimiitsinissaq paasissutissiinertalik oqallinnertalillu Utoqqaat Pillugit Siunnersuisooqatigiivisa inassuteqaatigaat.

Innuttaasunik ataatsimiitsinermi takussutissiaq:

- atuakkiortut (arlataa) nalunaarusiami paasisat nassuaateqarfingissavai
- nalunaarusiaq aallaavigalugu Utoqqarnut Pillugit Siunnersuisooqatigiit innersuussutitik oqaluttuarissavaat.
- Piffissaq ungasinnerusoq qaninnerusorlu eqqarsaatigalugit suliassaqarfimmi pilersaarusiatiataatsimiititaliamit oqaatigineqassaaq.
- Oqallinneq
Utoqqarnut Pillugit Siunnersuisooqatigiit piareersarnermi sulegataaniarlutik nalunaarput.

Inussiarnersumik inuullaqqusillunga

Laannguaq Lynge,

Siulittasoq

Utoqqaat Pillugit Siunnersuisooqatigiit

Aalajangerneq:



Allakkiaq Utoqqaat Pillugit Siunnersuisooqatigiit sinnerlugit siulittaasumit atsiorneqartussaq
Isumaginninnermut Suliffissaqartitsinermullu ingerlatsivimmut ingerlanneqartussaq
sularineqassaaq.

8. Taasariaqartut allat

- Kissaatigineqarpoq ukioq 2020-imut ataatsimiittarnissamut pilersaarutip malinnejarnissaa. Maannamut kinguartitsereeratta ukiup sinneranut ataatsimiittarnerit sapinngisamik malinnejarnissaat kissaatigineqarpoq

